

DAIM NTAWV CEEB TOOM TXOG COV KEV SIV YAM YOG NTIAG TUG

HNUB TIM SIV TAU: 1/1/2026

DAIM NTAWV CEEB TOOM NO PIAV QHIA TXOG TXOJ HAUV KEV SIV THIAB NTHUAV TAWM COV NTAUB NTAWV KHO MOB HAIS TXOG KOJ THIAB TXOJ HAUV KEV UAS KOJ TUAJ YEEM SIV TAU COV NTAUB NTAWV NO. THOV UA TIB ZOO TSHAB XYUAS.

CalViva Health muab kev pab cuam saib xyuas kev noj qab haus huv rau koj thiab/los sis koj tsev neeg. Peb tau txais cov ntaub ntawv hais txog koj tom qab koj muaj cai tau txais thiab tso npe nyob rau hauv peb lub phiaj xwm kev noj qab haus huv. Peb kuj tau txais cov ntaub ntawv fab kev kho mob los ntawm koj cov kws kho mob, cov chaw kuaj mob, chav kuaj mob thiab cov tsev kho mob txhawm rau them rau koj tus nqi saib xyuas kev noj qab haus huv.

Xeev thiab tsoom fwv txoj cai lij choj teeb tseg kom peb ceev kev yog ntiag tug ntawm cov ntaub ntawv kev noj qab haus huv uas tau txais kev pov thaiv (PHI). PHI yog cov ntaub ntawv hais txog koj, uas suav nrog cov ntaub ntawv qhia txog pej xeem, uas raug siv los txheeb xyuas koj yam uas muaj zoo laj thawj thiab cuam tshuam rau koj li kev noj qab haus huv fab siab ntsws los sis tus yam ntxwv yav dhau los, tam sim no los sis yav tom ntej, kev muab kev saib xyuas kev noj qab haus huv rau koj los sis kev them nyiaj rau qhov kev saib xyuas ntawd.

Daim Ntawv Ceeb Toom no piav qhia txog seb peb yuav siv thiab qhia tawm koj cov ntaub ntawv li cas thiab seb koj cov kev muaj cai yog dab tsi. Peb yuav tsum muab daim theej tawm ntawm Tsab Ntawv no rau koj.

COV KEV HLOOV PAUV DAIM NTAWV CEEB TOOM TXOG COV KEV SIV YAM YOG NTIAG TUG

CalViva Health yuav tsum ua raws Daim Ntawv Ceeb Toom no. Peb muaj cai los hloov cov kev siv yam yog ntiag tug no. CalViva Health yuav hloov kho thiab faib tawm Daim Ntawv Ceeb Toom no tam sim ntawd thaum twg los xij tsuav muaj kev hloov pauv tseem ceeb rau cov txuas mus no xwb:

- Cov kev siv los sis cov kev nthuav tawm
- Koj cov kev muaj cai
- Peb cov luag hauj lwm raws cai lij choj
- Lwm cov kev siv yam yog ntiag tug uas tau hais nyob rau hauv Daim Ntawv Ceeb Toom

Peb yuav muab tej Cov Ntaub Ntawv Ceeb Toom uas hloov kho tso rau hauv peb lub vev xaib thiab hauv peb Tus Tswv Cuab Phau Ntawv Qhia Siv.

TEJ ZAUM PEB YUAV SIV THIAB QHIA TAWM COV NTAUB NTAWV HAIS TXOG KOJ

Tej zaum CalViva Health yuav siv los sis qhia tawm koj cov ntaub ntawv tsuas yog rau cov laj thawj uas cuam tshuam rau koj li kev saib xyuas kev noj qab haus huv ncaj nraim xwb.

Cov ntaub ntawv uas peb siv thiab qhia tawm suav nrog:

- Koj lub npe
- Qhov chaw nyob
- Cov ntaub ntawv ntiag tug hais txog koj cov xwm txheej
- Muab kev saib xyuas fab kev kho mob rau koj, thiab
- Koj li keeb kwm fab kev kho mob

Qee Cov Piv Txwv:

Rau kev kho mob: Tej zaum koj yuav tsum tau txais kev kho mob uas yuav tsum kom peb pom zoo rau qhov kev saib xyuas uas tau txais kev pab them ua ntej. Peb yuav qhia tawm cov ntaub ntawv nrog cov kws kho mob, cov tsev kho mob thiab lwm cov neeg txhawm kom thiaj li tau txais kev saib xyuas uas koj xav tau.

Rau kev kho mob: CalViva Health tshab xyuas, pom zoo thiab them cov nqi saib xyuas kev noj qab haus huv uas xa tuaj rau peb rau koj li kev saib xyuas fab kev kho mob. Thaum peb ua qhov no, peb qhia tawm cov ntaub ntawv nrog cov kws kho mob, cov chaw kuaj mob thiab lwm cov neeg uas sau nqi ntawm peb rau koj li kev saib xyuas. Thiab tej zaum peb yuav xa cov ntawv sau nqi rau lwm cov phiaj xwm kev noj qab haus huv los sis cov koom haum rau kev them nyiaj.

Rau cov kev ua hauj lwm saib xyuas kev noj qab haus huv: Tej zaum peb yuav siv cov ntaub ntawv hauv koj cov ntaub ntawv sau tseg txog kev noj qab haus huv txhawm rau txiav txim txog qhov zoo ntawm kev saib xyuas uas koj tau txais. Dhau li ntawd lawm tej zaum peb yuav siv cov ntaub ntawv no rau cov kev kuaj, cov khoos kas tiv thaiv kev dag ntxias thiab kev ua phem, kev tawm phiaj xwm thiab kev tswj raws li ncuu dav. Dhau li ntawd lawm peb kuj muab cov npe ntawm cov tswv cuab rau cov chaw tso npe uas tshaj tawm txog kev txhaj tshuaj tiv thaiv ntawm khauj tim uas tshaj tawm rau CalViva Health seb cov tswv cuab puas tau txais cov kev txhaj tshuaj tiv thaiv los ntsuam xyuas lawv qib kev txhaj tshuaj tiv thaiv thiab los tshaj tawm cov ntaub ntawv uas cuam tshuam rau California Lub Tuam Tsev Hauj Lwm Ntsig Txog Cov Kev Pab Cuam Saib Xyuas Kev Noj Qab Haus Huv. Tej zaum cov tswv cuab yuav qhia rau tus kws pab kho mob saib xyuas kev noj qab haus huv paub tias lawv tsis pom zoo rau tus

kws pab kho mob qhov kev qhia tawm lawv cov ntaub ntawv kev txhaj tshuaj tiv thaiv nrog lub chaw tso npe txog kev txhaj tshuaj tiv thaiv ntawm khauj tim.

Koj haiv neeg, tsav neeg, hom lus, kev nyiam koj li poj niam txiv neej, thiab kev qhia tias yog poj niam los txiv neej tau txais kev pov thaiv los ntawm lub phiaj xwm kev noj qab haus huv cov txheej teg kev ua hauj lwm thiab cov cai lij choj. Qhov no txhais tau tias cov ntaub ntawv uas koj tau txais yog ntiag tug thiab muaj kev ruaj ntseg. Peb tsuas tuaj yeem qhia tawm cov ntaub ntawv no nrog cov koom haum kev tswj ntawm California, cov kws pab kho mob saib xyuas kev noj qab haus huv, thiab cov chaw saib xyuas kev noj qab haus huv. Nws yuav tsis raug qhia tawm nrog lwm tus yog tsis tau koj li kev tso cai los sis tso cai. Peb siv cov ntaub ntawv no los pab txhim kho qhov zoo ntawm koj li kev saib xyuas thiab cov kev pab cuam.

Cov ntaub ntawv no yuav pab kom peb:

- nkag siab txog koj cov kev xav tau saib xyuas kev noj qab haus huv;
- paub koj hom lus nyiam hais thaum mus ntsib cov kws pab kho mob saib xyuas kev noj qab haus huv;
- muab cov ntaub ntawv kev saib xyuas kev noj qab haus huv txhawm kom muaj raug raws li cov koj xav tau; thiab
- muab cov khoos kas los pab koj kom koj muaj kev noj qab haus huv tshaj plaws.

Cov ntaub ntawv no tsis siv rau cov hom phiaj kev lees paub los sis txhawm rau ua cov kev txiav txim hais txog seb koj puas tuaj yeem tau txais kev pab them los sis cov kev txiav txim.

Cov Kev Tso Hem Thawj Rau Kev Noj Qab Haus Huv thiab Kev Nyab Xeeb:

Tej zaum peb yuav siv los sis nthuav tawm koj li PHI yog peb ntseeg yam muaj kev ncaj ncees tias kev siv los sis kev nthuav tawm uas tau hais los ntawd yog qhov tsim nyog los tiv thaiv los sis txo kev tso hem thawj loj los sis tab tom yuav tshwm sim rau kev noj qab haus huv los sis kev nyab xeeb ntawm tus neeg los sis zej tsoom.

Kev Tshaj Tawm Txog Kev Dag Ntxias Uas Muaj Feem Tshwm Sim: Cov kev nqis tes uas peb ua thaum ua lub luag hauj lwm tas li yog lub phiaj xwm saib xyuas kev noj qab haus huv suav nrog kev tshawb xyuas cov xwm txheej kev dag ntxias uas muaj feem tshwm sim uas tej zaum koj li PHI yuav raug cuam tshuam.

LWM COV KEV SIV RAU KOJ COV NTAUB NTAWV KEV NOJ QAB HAUS HUV

Tej zaum peb yuav xa cov ntaub ntawv rau koj hais txog cov kev kuaj fab kev kho mob yam tsis xam nqi thiab cov khoos kas pab khoom noj.

Dhau li ntawd lawm peb kuj yuav xa koj cov ntaub ntawv thaum peb tau txais lus txib los sis tau txais kev tso cai kom ua li ntawd raws cai lij choj. Qee zaum lub tsev hais plaub yuav txib kom peb muab koj cov ntaub ntawv kev noj qab haus huv. Dhau li ntawd lawm

peb yuav muab cov ntaub ntawv thaum txoj cai lij choj teeb tseg kom ua li ntawd rau cov kev ua hauj lwm ntawm lub khoos kas saib xyuas kev noj qab haus huv. Tej zaum qhov no yuav cuam tshuam rau kev dag ntxias los sis cov kev nqis tes los thim nyiaj rov qab los ntawm lwm cov neeg thaum lwm tog neeg uas muaj lub luag hauj lwm them koj cov nqi kho mob.

Tej zaum koj los sis koj tus kws kho mob. tsev kho mob thiab lwm cov kws pab kho mob saib xyuas kev noj qab haus huv yuav thov kom rov qab txiav txim dua rau cov kev txiav txim uas ua hais txog cov nqi rau koj li kev saib xyuas kev noj qab haus huv. Tej zaum yuav siv koj cov ntaub ntawv kev noj qab haus huv los ua cov kev txiav txim txog kev thov kom rov qab txiav txim dua no.

Tsis Tso Cai Siv Cov Ntaub Ntawv Kev Noj Qab Haus Huv Uas Tau Txais Kev Pov Thaiv (PHI)

Peb yuav tsis siv koj cov ntaub ntawv kev xav tau fab haiv neeg, keeb kwm pawg neeg me, hom lus, kev nyiam koj li poj niam txiv neej, kev qhia tias yog poj niam los txiv neej, thiab zej tsoom rau kev lees paub los sis tsis kam lees kev pab them, cov kev pab cuam, los sis cov txiaj ntsig. Peb tau txwv tsis pub siv los sis nthuav tawm cov ntaub ntawv qhia txog caj ces rau cov hom phiaj kev lees paub.

Cov Kev Pov Thaiv Sab Hauv Ntawm PHI Uas Hais Ntawm Ncauj, Sau Ua Ntaub Ua Ntawv thiab Hauv Es Les Taus Niv:

CalViva Health pov thaiv koj li PHI. Dhau li ntawd lawm peb tau cog lus yuav los ceev koj cov ntaub ntawv qhia txog haiv neeg, tsav neeg, thiab hom lus (REL), thiab kev nyiam koj li poj niam txiv neej thiab kev qhia tias yog poj niam los txiv neej (SOGI) cia tsis pub lwm tus paub. Peb muaj cov kev lis hauj lwm ntiag tug thiab muaj kev ruaj ntseg los pab. Cov no yog qee cov hauv kev uas peb pov thaiv koj li PHI:

- Peb cob qhia peb cov neeg ua hauj lwm kom ua raws peb cov kev lis hauj lwm ntiag tug thiab muaj kev ruaj ntseg.
- Peb yuav tsum kom cov neeg koom tes ua lag luam ua raws cov kev lis hauj lwm ntiag tug thiab muaj kev ruaj ntseg.
- Peb ceev kom peb cov chaw ua hauj lwm muaj kev ruaj ntseg.
- Peb sib tham txog koj li PHI nrog cov neeg uas yuav tsum paub txog cov laj thawj kev lag luam.
- Peb ceev kom koj li PHI muaj kev ruaj ntseg thaum peb xa los sis khaws cia hauv es les taus niv.
- Peb siv tev naus los ceev tsis pub cov neeg tsis tsim nyog nkag siv koj li PHI.

THAUM TWG YUAV TSUM MUAJ KEV POM ZOO UAS SAU UA NTAUB UA NTAWV

Yog peb xav siv koj cov ntaub ntawv rau cov laj thawj uas teev tseg hauv qab no, ces peb yuav tsum tau txais koj li kev pom zoo uas sau ua ntaub ua ntawv:

- Rau cov hom phiaj kev kiab khw - peb yuav thov koj li kev tso cai uas sau ua ntaub ua ntawv los siv los sis nthuav tawm koj li PHI rau cov hom phiaj kev kiab khw uas muaj cov kev zam uas muaj ciam txwv, xws li thaum peb muaj cov kev sib tham txog kev kiab khw nrog koj tim ntsej tim muag los sis thaum peb muab kev tshaj tawm uas muaj nqi me-me.
- Rau cov kev nthuav tawm uas xam tias yog kev muag koj cov ntaub ntawv - Peb tsis muaj koj cov ntaub ntawv.
- Rau kev siv thiab nthuav tawm cov ntawv cim tseg txog kev kho puas hlwb - Peb yuav thov koj li kev tso cai uas sau ua ntaub ua ntawv los siv los sis nthuav tawm koj cov ntawv cim tseg txog kev kho puas hlwb uas peb muaj nyob rau hauv daim ntawv uas muaj cov kev zam uas muaj ciam txwv, xws li rau qee qhov kev kho mob, kev them nyiaj los sis cov kev ua hauj lwm saib xyuas kev noj qab haus huv.
- Cov Ntaub Ntawv Sau Tseg Txog Kev Tsis Meej Pem Vim Kev Siv Yeeb Tshuaj (SUD) - peb yuav tsis siv los sis nthuav tawm koj cov ntaub ntawv sau tseg txog SUD nyob hauv cov kev lis hauj lwm hais plaub rau koj tshwj tsis yog:
 - Peb tau txais koj li kev pom zoo uas sau ua ntaub ua ntawv, los sis
 - Peb tau txais tsev hais plaub qhov lus txib, koj paub txog daim ntawv thov lawm thiab muaj hwv tsam los taug xyuas kev ncaj ncees. Tsev hais plaub qhov lus txib yuav tsum muaj nrog daim ntawv foob los sis cov ntaub ntawv raws cai zoo ib yam uas yuav tsum muaj lus teb.

Yog peb xav siv koj cov ntaub ntawv rau lub hom phiaj uas tsis teev tseg saum toj no, peb yuav tsum tau txais koj li kev pom zoo uas sau ua ntaub ua ntawv. Yog koj pom zoo rau peb siv, tej zaum koj yuav thim tawm kev pom zoo uas yog sau ua ntaub ua ntawv thaum twg los tau.

Thov cim tseg, peb tsis tuaj yeem cog lus tias tus neeg los sis pab pawg uas koj tso cai kom peb los qhia tawm koj cov ntaub ntawv nrog yuav tsis qhia tawm nrog lwm tus neeg.

KOJ COV CAI KEV YOG NTIAG TUG YOG DAB TSI?

Txoj Cai Uas Yuav Thim Kev Tso Cai – Tej zaum koj yuav thim koj li kev tso cai thaum twg los tau, kev thim koj li kev tso cai yuav tsum yog sau ua ntaub ua ntawv. Kev thim tawm yuav siv tau kiag tam sim ntawd, tshwj tsis yog qhov uas peb twb ua cov kev nqis tes lawm raws li kev tso cai thiab ua ntej peb tau txais koj li kev thim uas sau ua ntaub ua ntawv.

Txoj Cai Los Thov Cov Kev Txwv – Koj muaj cai thov kom peb tsis txhob siv los sis qhia tawm koj cov ntaub ntawv saib xyuas kev noj qab haus huv ntiag tug rau kev kho mob, kev them nyiaj, los sis cov kev ua hauj lwm saib xyuas kev noj qab haus huv, nrog rau cov kev nthuav tawm rau cov neeg uas cuam tshuam nyob rau hauv koj li kev saib xyuas los sis kev them koj tus nqi saib xyuas, xws li cov neeg hauv tsev neeg los sis cov neeg txheeb ze. Peb tsis tas yuav pom zoo rau koj daim ntawv thov, thiab tej zaum peb yuav hais tias “tsis yog” yog tias nws yuav cuam tshuam rau koj li kev saib xyuas.

Txoj Cai Los Thov Cov Kev Sib Txuas Lus Tsis Pub Lwm Tus Paub – Koj muaj cai thov kom peb sib txuas lus nrog koj hais txog koj li PHI los ntawm lwm cov hauv kev los sis lwm cov chaw nyob. Koj tuaj yeem thov tswj koj li PHI yam tsis pub lwm tus paublos ntawm kev mus rau CalViva Health lub vev xaib (www.CalVivaHealth.org) thiab kev ua kom tiav Daim Foos Ntawv Thov Cov Kev Sib Txuas Lus Tsis Lub Lwm Tus Paub. Dhau li ntawd lawm cov tswv cuab kuj hu rau Cov Chaw Pab Cuam Tswv Cuab ntawm 1-888-893-1569 (TTY 711) los thov tswj lawv cov ntaub ntawv fab kev kho mob yam tsis pub lwm tus paub. Daim ntawv thov Cov Kev Sib Txuas Lus Tsis Pub Lwm Tus Paub yuav tau txais kev lees paub los ntawm CalViva Health thiab yuav ua nyob rau hauv xya (7) hnuv raws li daim zwj qhia hnuv tim tom qab tau txais kev xa hauv es les taus niv los sis hauv xov tooj, los sis nyob rau hauv 14 hnuv raws li daim zwj qhia hnuv tim tom qab hnuv tim tau txais hauv kev xa ntawv thawj qib. CalViva Health yuav qhia rau tus tswv cuab txog qib kev ua daim ntawv thov yog tus tswv cuab txuas lus rau CalViva Health. Daim ntawv thov Cov Kev Sib Txuas Lus Tsis Pub Lwm Tus Paub yuav siv tau rau txhua cov kev sib txuas lus uas nthuav tawm cov ntaub ntawv fab kev kho mob los sis tus kws pab kho mob lub npe thiab chaw nyob uas cuam tshuam rau kev tau txais cov kev pab cuam fab kev kho mob los ntawm tus neeg uas thov kev sib txuas lus tsis pub lwm tus paub.

Dhau li ntawd lawm, CalViva Health yuav tsis nthuav tawm cov ntaub ntawv fab kev kho mob uas cuam tshuam rau cov kev pab cuam tsis qhia rau lwm tus paub uas muab rau tus neeg uas tau txais kev pov thaiv rau tej cov tswv cuab ntawm lub phiaj xwm tsis yog tus neeg tau txais kev pov thaiv uas tau txais kev saib xyuas, yog tsis tau txais kev tso cai uas sau ua ntaub ua ntawv ntawm tus neeg tau txais kev pov thaiv uas tau txais kev saib xyuas.

Txoj Cai Tau Txais Kev Txheeb Xyuas Cov Lus Qhia – Koj yuav muaj cai tau txais daim npe cov kev tuav pov hwm nyob rau hauv ncuaj sij hawm 6 xyoo dhau los uas peb los sis peb cov neeg koom tes ua lag luam tau nthuav tawm koj PHI. Qhov no siv tsis tau rau kev nthuav tawm rau cov hom phiaj kev kho mob, kev them nqi, cov kev ua hauj lwm saib xyuas kev noj qab haus huv, los sis cov kev nthuav tawm uas koj tso cai los sis qee cov kev ua ub ua no. Dhau li ntawd lawm koj kuj muaj cai tau txais daim ntawv ceeb toom hauv qhov xwm txheej kev ua txhaum cai ntawm koj li PHI uas tsis muaj kev ruaj ntseg.

Txoj Cai Kuaj thiab Theej Tawm Koj Li PHI – Koj thiab koj tus sawv cev ntiag tug muaj cai tau txais daim theej tawm ntawm koj cov ntaub ntawv. Koj yuav tau txais daim foos los sau thiab tej zaum yuav sau nqi rau cov nqi kev theej tawm thiab kev xa cov ntawv sau tseg. (Tej zaum peb yuav pov thaiv tsis pub koj pom qee feem ntawm koj cov ntaub ntawv sau tseg rau cov laj thawj uas txoj cai lij choj tso cai.)

******* TSEEM CEEB *******

CALVIVA HEALTH TSIS MUAJ COV THEEJ TAWM TXHIJ TXHUA NTAWM KOJ COV NTAUB NTAWV SAU TSEG FAB KEV KHO MOB. YOG KOJ XAV SAIB, THOV IB DAIM THEEJ TAWM, LOS SIS HLOOV KOJ COV NTAUB NTAWV SAU TSEG FAB KEV KHO MOB, THOV TXUAS LUS RAU KOJ TUS KWS KHO MOB LOS SIS CHAW MUAG TSHUAJ.

Txoj Cai Uas Yuav Hloov Kho Koj Li PHI – Koj muaj cai thov kom hloov pauv cov ntaub ntawv ntawd hauv koj cov ntaub ntawv sau tseg yog cov ntaub ntawv ntawd tsis raug los sis tsis tau ua tiav. Peb yuav tsis kam lees koj daim ntawv thov yog CalViva Health tsis tau tsim los sis khaws cia cov ntaub ntawv, los sis peb ntseeg tias cov ntaub ntawv ntawd raug thiab ua tiav. Yog koj tsis ua cov kev hloov pauv uas koj thov, tej zaum koj yuav thov kom peb tshab xyuas peb li kev txiav txim. Tej zaum koj yuav xa daim ntawv qhia uas hais tias vim li cas koj thiaj li tsis pom zoo nrog peb cov ntaub ntawv sau tseg thiab koj daim ntawv qhia yuav raug khaws cia nrog koj cov ntaub ntawv sau tseg.

Txoj Cai Uas Yuav Tau Txais Daim Theej Tawm Ntawm Daim Ntawv Ceeb Toom no – Koj tuaj yeem thov rau daim theej tawm ntawv ntawm Daim Ntawv Ceeb Toom no, tab txawm tias koj pom zoo tau txais Daim Ntawv Ceeb Toom hauv es les taus niv los xij.

Txoj Cai Yuav Xa Daim Ntawv Tsis Txaus Siab – Yog tias koj ntseeg tias peb tsis pov thaiv koj li kev ntiag tug thiab xav ua kev tsis txaus siab, tej zaum koj yuav xa daim ntawv tsis txaus siab hauv kev hu los sis sau ua ntaub ua ntawv:

Privacy Officer

c/o Office of Legal Services

California Department of Health Care Services

1501 Capitol Avenue

P.O. Box 997413

Sacramento, CA 95899-7413

Xov tooj: 1-916-445-4646 los sis 1-866-866-0602 (TTY/TDD: 1-877-735-2929)

E-mail: DHCSPrivacyofficer@dhcs.ca.gov

LOS SIS

Tus Tuav Ntaub Ntawv Ntawm Tebchaws Meskas Lub
Tuam Tsev Hauj Lwm Ntsig Txog Cov Kev Pab Cuam Tib
Neeg thiab Kev Noj Qab Haus Huv Lub Chaw Ua Hauj
Lwm Saib Xyuas Pej Xeem Cov Kev Muaj Cai

Attention: Regional Manager

50 United Nations Plaza, Room 322

San Francisco, CA 94102

Yog xav paub ntxiv, hu rau 1-800-368-1019

LOS SIS

Tebchaws Meskas Lub Chaw Ua Hauj Lwm Saib Xyuas Pej Xeem Cov Kev Muaj Cai
ntawm 1-866-OCR-PRIV (1-866-627-7748) los sis TTY: 1-866-788-4989

Siv Koj Cov Kev Muaj Cai Yam Tsis Muaj Kev Ntshai

CalViva Health tsis tuaj yeem tshem koj cov txiaj ntsig saib xyuas kev noj qab haus huv los
sis ua tej yam kom koj raug mob nyob hauv tej txoj hauv kev yog koj xaiv xa daim ntawv
tsis txaus siab los sis siv cov cai kev yog ntiag tug hauv Daim Ntawv Ceeb Toom no.

COV LUS NUG

Yog koj muaj lus nug hais txog Daim Ntawv Ceeb Toom no thiab xav tau cov ntaub
ntawv kev paub ntxiv, thov txuas lus rau peb ntawm qhov chaw nyob thiab tus xov tooj
uas muab saum toj no.

KOJ TUAJ YEEM TXUAS LUS RAU PEB KOM SIV TAU KOJ COV KEV MUAJ CAI?

Yog koj xav kom siv cov cai kev yog ntiag tug uas piav qhia nyob rau hauv Daim Ntawv
Ceeb Toom no, thov hu los sis sau ntawv rau peb ntawm:

CalViva Health Privacy Office

Attention: Chief Compliance Officer

7625 N. Palm Ave., Suite 109

Fresno, CA 93711

Xov tooj: 1-866-863-2465

Fev: (559) 446-1998